

Cyngor Cymuned Llanystumdwy

Rhaglen waith y Cyngor - nos Iau, 7fed o Ionawr 2021 drwy Zoom yn brydlon am 8:00 y.h.

Fe anfonir linc i ymuno cyn y cyfarfod.

Materion angen sylw oherwydd na ellir cynnal cyfarfod yn y man arferfol, oherwydd y 'COVID 19'.

1. Ymddiheuriadau.
2. Cyflwyno a chadarnhau cofnodion cyfarfod y Cyngor gynhaliwyd ar 3ydd o Ragfyr 2020.
3. Llofnodi cadarnhâd taliadau BACS mis Ragfyr 2020 - (bydd y Clerc wedi trefnu i'r Cadeirydd ei llofnodi cyn y cyfarfod).
4. Datgan buddiant personol.
5. **Materion gan Cyngor Gwynedd**
6. **Cyngor Gwynedd - ceisiadau cynllunio yn y gymuned**
 - a. Cais rhif: -C20/0820/41/DT -**Bryn Gwynt, Lón Goed, Afonwen, Chwilog**, Pwllheli, Gwynedd, LL53 6RZ - cais ar gyfer codi estyniad unllawr ar gefn yr eiddo. Roedd y cais yma wedi cyrraedd yn rhy hwyr i'w ychwanegu ar raglen mis Rhagfyr, felly penderfynwyd ei drafod ar 07.01.2021.
 - b. Cais rhif: - C20/1051/41/DT - **Fferm Bryn Gwynt, Chwilog**, Pwllheli, Gwynedd, LL53 6LQ - cais i ddymchwel estyniadau presennol ac adeiladu estyniad deulawr ar ochr y tŷ.
7. **Biniau halen** o fewn y gymuned - mae 5 ohonynt:-
 - Ger Gwyddfor, Chwilog.
 - Pentyrch Uchaf, Llanybi.
 - Rhwng y Bont a Chapel y Beirdd, Bryn Beddau, Rhoslan.
 - Tan yr Erw, Lon Gefn, Llanystumdwy.

Mae angen cadw golwg ar faint o halen sydd ynddynt yn gyson yn ystod y gaeaf, a gadael i'r Clerc wybod os oes angen ei llenwi.

Materion yn y gymuned.

8. **Llanystumdwy**

a) Pont Llanystumdwy - clirio tir y Cyngor yn Maenywern - Y gwaith o dorri'r brigau sydd yn hongian dros y clawdd ar hyd y lon o'r bont am y bedd, wedi cael ei wneud.

b) Lodge Gwynfryn - trethdalwyr yn holi os oes ffens wedi cael ei godi ar dir y Cyngor, ger mynedfa Plas Gwynfryn. Wedi derbyn ebost yn dweud:-

“Mae'r Adran Briffyrdd a Adran Cynllunio yn edrych i mewn i'ch ymholiad/cwyn am yr eiddo uchod ar hyn o bryd ac fe'ch hysbysir maes o law o ganlyniadau'r archwiliad hwnnw ynghyd ag unrhyw weithredu pellach os penderfynir felly”. Y Clerc wedi holi eto, i gael diweddariad oherwydd fod coed wedi cael ei plannu yno hefyd.

9. **Rhoslan/Ynys**

10. **Chwilog**

a) **Llywodraethwr Cymuned Ysgol Chwilog**- disgwyl ateb gan y person a awgrymwyd yn ein cyfarfod diwethaf.

11. **Pencaenewydd/Sardis**

12. **Llangybi**

a) **Arwydd bach 30 m.y.a rhwng Capel Helyg a Groeslon 'Refail, Llangybi** wedi ei ddymchwel. Y Clerc wedi gwneud ymholiadau pellach ond heb gael ateb eto.

b) **Adroddiad blynyddol cae chwarae Llangybi 22.12.2020 gan 'Fields in Trust'** - y Clerc wedi ei rannu â phawb er mwyn ei drafod ar y noson. Cadarnhau fod yr offer chwarae yn gymwys hefo rheolau diogelwch.

13. **Enwau lleol** - gosod arwyddion o enwau lleol yn y gymuned, sef enwau pontydd, afonydd, enw cynhenid ambell groesffordd, a'i gwneud yn weledol i bawb ei gwybod a'i defnyddio i'r dyfodol. **Y Clerc wedi holi'r Adran Cynllunio, ac yn disgwyl ymateb ganddynt. Efallai byddai'n syniad trafod pa rai i'w gwneud gyntaf.**

Materion Ariannol

14. Adroddiad Ariannol gan y Clerc a'r Swyddog Ariannol Cyfrifol.

Bydd y Clerc yn anfon ebost at y cynghorwyr i gyd cyn y cyfarfod, drwy gynnwys dogfen 'excel' o'r sefyllfa ariannol hyd at 07.01.2021. Mae hyn yn cadw golwg manwl ar y gwariant sydd eisioes wedi ei wneud, ac y rhagwelir sydd angen ei wneud erbyn diwedd Mawrth 2021.

15. **Cyfarfod Cyllid/Busnes** - a gynhaliwyd 12.11.2020 - bydd y cofnodion yn cael ei anfon at bawb cyn y prif gyfarfod ar 07.01.2021.

16. **Gosod Praesept 2021/2022** - y Clerc wedi gofyn am £18,000.00 eto gan Adran Cyllid, Cyngor Gwynedd. Trafodwyd y mater yn y Pwyllgor Busnes, ar 12.11.2020, a phrif gyfarfod ar 03.12.2020.

17. **Cylch archwilio 3 blynedd** - e-bost gan Mr Derryck Evans, Rheolwr Archwilio Cymru yn dweud bydd Cyngor Cymuned Llanystumdwy yn cael archwiliad 'llawn' 2020-21, ac archwiliad 'syfaenol' am y ddwy flynedd dilynol. Mae archwiliad 'llawn' yn cyfeirio at weithdrefn archwilio newydd sydd yn cynnwys profi trafodion yn fanwl.

18. **Archwiliad Allanol Cyfrifon 2019-20.**

Y Clerc wedi derbyn ymateb gan yr Archwilwyr Allanol ar 09.12.2020, (ac wedi ei arwyddo ganddynt ar 26.11.2020) yn datgan ei bod wedi cwblhau a chymeradwyo'r archwiliad ar gyfer 2019/2020. Bydd angen cymeradwyo a derbyn hyn gan y Cyngor, yna bydd y ffurflen flynyddol a'r hysbysiadau yn cael ei arddangos yn y manau priodol yn y wardiau, ac ar y wefan.

19. **Hysbyseb ceisiadau am Gymorth Ariannol** gan fudiadau o fewn dalgylch y Cyngor- y Clerc wedi trefnu i roi hysbyseb yn rhifyn mis Tachwedd, a Rhagfyr o'r Ffynnon, ac ar yr hysbysfyrddau a'n gwefan gyda dyddiad cau 15ed o Ionawr 2021.

20. **Taliadau** BACS angen cael ei gwneud yn dilyn y cyfarfod 07.01.2021:

Enw/Rheswm	Rheswm	Pris £	TAW	Cyfanswm Taliad £	Taliad BACS
Cyngor Gwynedd (007950B0067480D)	Toiledau Llanystumdwy 2020/21	<u>2000.00</u>		<u>2000.00</u>	<u>2000.00</u>

Cyflog mis Rhagfyr 2020 y Clerc i'w rannu rhwng y Clerc a Chyllid a Thollau EM.

Enw/Rheswm	Swm £	Cyfanswm Taliad net £	Taliad BACS :- £
Cyflog sylfaenol y Clerc, Rhagfyr 2020 35 awr x £10.83 = £379.05	379.05 - Llai treth £76 = £303.05	<u>303.05</u>	<u>303.05</u>
Cyllid a Thollau EM Treth ar enillion y Clerc Rhagfyr 2020	380.00 x 20% = £76.00	<u>76.00</u>	<u>76.00</u>
Costau'r Clerc Rhagfyr 2020	£16.65	<u>16.65</u>	<u>16.65</u>

Bydd angen penderfynu os mai ar y nos Iau 04.02.2021, fydd y cyfarfod nesaf.